



Na osnovu člana 38. Statuta općine Trnovo ("Službene novine Kantona Sarajevo", broj: 12/08) i člana 3. Pravilnika o stipendiranju učenika i studenata broj: 01-04-1266/24 od 14.03.2024.godine, Općinski načelnik raspisuje

**K O N K U R S**  
**za stipendiranje učenika i studenata u školskoj/akademskoj 2023/2024.godini**

Pravo učešća na konkursu za dodjelu stipendija imaju redovni učenici srednjih škola i redovni studenti visokoškolskih ustanova (studijski program I i II ciklusa) da nisu obnovili prethodnu godinu studija a imaju prebivište na području općine Trnovo ne manje od 3 mjeseca od dana raspisivanja konkursa i to:

1. učenici srednjih škola sa najmanjom završnom ocjenom 3 (tri) iz prethodnog razreda, a učenici prvog razreda srednje škole sa najmanjom završnom 3 (tri) iz IX razreda osnovne škole,
2. redovni studenti prve godine studija sa najmanjom ocjenom 3 (tri) iz završnog razreda srednje škole i
3. redovni studenti druge i narednih godina studija sa prosjekom ocjena iz prethodne godine od najmanje 6 (šest).

Stipendije za učenike/studente dodjeljivat će se na osnovu broja bodova koji se utvrđuju za svakog prijavljenog kandidata, prema sljedećim kriterijima:

- bodovi po osnovu rezultata u učenju
- bodovi po osnovu boračkog statusa (RVI, demobilisani borci, dobitnici ratnih priznanja)
- bodovi po osnovu socijalnog statusa i
- bodovi po drugim osnovama

Stipendije bez bodovanja dodjelit će se :

- učenicima i studentima bez oba roditelja
- učenicima i studentima koji svakodnevno putuju s područja općine Trnovo do mjesta obrazovne ustanove a na osnovu evidencije nadležne službe (uvećane za 15%)
- učenicima čiji je prosjek ocjena u relevantnim školskim godinama 5,00
- studentima čiji je prosjek ocjena u relevantnim akademskim godinama iznad 9,00.

Uz prijavu na Konkurs potrebno je priložiti sljedeću dokumentaciju kojom se dokazuje ispunjavanje navedenih kriterija (original ili ovjerena kopija):

- svjedočanstvo o uspjehu u prethodnoj godini, a za učenike I razreda srednje škole svjedočanstvo o završenom IX razredu osnovne škole,
- uvjerenje o prosjeku ocjena u prethodnoj akademskoj godini, a za studente I godine studija svjedočanstvo završnog razreda srednje škole,
- potvrda o upisu u tekuću školsku/akademsku godinu,

- Izjavu-kućnu listu o broju članova zajedničkog domaćinstva,
- dokaz o ličnim primanjima svih članova zajedničkog domaćinstva: zaposleni-platnu listu ili potvrdu o visini plaće za posljednji mjesec, penzioneri-posljednji ček od penzije, uvjerenje o primanjima po osnovu boračko-invalidske zaštite i zaštite civilnih žrtava rata, nezaposleni-potvrdu Zavoda za zapošljavanje, a ako nisu prijavljeni kod Zavoda, uvjerenje Federalnog zavoda PIO/MIO da nisu na evidenciji, potvrdu o redovnom školovanju člana porodice, odnosno rodni list za predškolsko dijete,
- dokaz da je učenik/student:
  - bez jednog ili oba roditelja, (izvod iz matične knjige umlih za roditelje),
- dokaz da je učeniku ili studentu jedan ili oba roditelja:
  - demobilisani borac OS R BiH,
  - ratni vojni invalid (sa naznačenim procentom invalidnosti),
  - nosilac ratnog priznanja/odlikovanja,
- uvjerenje o kretanju, a ako je kandidat maloljetan uvjerenje o kretanju za jednog roditelja-staratelja,
- potvrda nadležne službe da učenik/student ima boravište na području općine Trnovo (za učenike i studente koji svakodnevno putuju s području općine Trnovo do mjesta obrazovne ustanove).
- izjava da učenik/student ne prima stipendiju po istom osnovu od nekog drugog organa, institucije, javnog preduzeća ili fondacije
- dokaz o tekućem računu, a za maloljetne tekući račun roditelja-staratelja.
- na prijavi potpisana izjava učenika/studenta, odnosno roditelja-staratelja ukoliko je učenik maloljetan, kojom se daje saglasnost da se njegovi lični podaci mogu obrađivati u skladu sa članom 5. Zakona o zaštiti ličnih podataka (Sl.glasnik BiH br: 49/2006, 76/2011 i 89/2011- ispr.) a za potrebe provođenja konkursne procedure.

Stipendije se dodjeljuju za jednu redovnu školsku/akademsku godinu i isplaćivat će se 10 mjeseci.

Stipendije koje će se dodijeliti u tekućoj školskoj/akademskoj godini, prema raspoloživim sredstvima u Budžetu Općine Trnovo za ovu namjenu.

Stipendije se neće dodjeljivati kandidatima koji su po istom osnovu ostvarili stipendiju od nekog drugog organa, institucije, javnog preduzeća ili fondacije, koji su obnovili godinu i apsolventima.

Nepotpune i neblagovremene prijave neće se uzeti u razmatranje.

Rang lista izabranih kandidata objavit će se na Web stranici i oglasnoj ploči općine Trnovo. O konačnim rezultatima konkursa svaki prijavljeni kandidat će biti pismeno obaviješten.

Prijave na Konkurs se podnose u roku od 15 dana od dana objavljivanja konkursa na zvaničnoj Web stranici općine Trnovo i odglasnoj ploči općine Trnovo.

Prijavu na Konkurs (koju možete naći na Web stranici općine Trnovo ili lično preuzeti u šalter sali općine Trnovo) sa potrebnom dokumentacijom dostaviti lično na protokol općine Trnovo ili poštom preporučeno na adresu: Općina Trnovo 36. 71223 Trnovo, uz naznaku "Prijava na Konkurs za stipendiranje učenika i studenata".

Broj:02- 04-1476 /24  
Trnovo, 25.03.2024.godine

